

穴羣言自天官地志三教九流之書無不精研學者稱梨洲先生

仇知幾

達士仇知幾先生兆鰲字滄柱鄞人也少從黃宗義講切性命之學為諸生有盛名官吏部右侍郎即引疾歸與會稽陶存存研窮修養祕旨久之松巖鶴貌照耀山林蓋浩然有得者也所著四書說約杜詩詳解以黃老參悟諸書行世

陶存存

遺士陶存存先生素躬凡名會稽人也少遊越水吳山燕臺金關其才華益盛登康熙進士即退處山陰往來霍僮洞天遇方

道藏輯要

三

集 隱鑑

巽

續畢集七

外至人傳以修養祕法遂焚時藝之文作道言五種集註及丹家雜義以招後學仇知幾稱其笑傲林泉樂天達命洵知言也自號清淨心居士又曰迦微道人

顏欽明

達士顏先生欽明戎盧人也康熙丙午舉於鄉研窮經史之學吳三桂據蜀時士大夫多為迫脅欽明獨抗節不出蜀平結屋於玉蟾山下終身不跡城市

沈越溪

逸士沈越溪先生巨儒萬縣人也寄懷高尙肥遯山中自號西溪野人四川總制李培之知其夙學勸之仕不應闢堂數椽曰